

Jondi pepa lekingon youkuk

Yodakale Mede

Pepa yon adi kayonbop niŋ'walaŋ talitimenŋ niŋdi youkuk. Meeniŋ feedi indin nadiiŋ, pepa yon adi kayonbop niŋdok youyemguk. Tiŋa nehi uŋgon hekinolit biyagonŋ hinek tiŋa hatiŋila yalaŋ-me heki Bepaŋ'walaŋ mede yotubugiyonda tiŋa heki fiyeŋ doktiŋa kikauidoko tiyaneŋdok yeniŋguk.

Yodakale eŋ welemomoonŋ mede

¹ Nu kayonbop diniŋ me talitimenŋ timeniŋdi tam^a Bepaŋdi netok gigit gabukahileguk tiŋa wapmihigeye hiditok pepa i youhamulat. Nu mede biyagonŋ welene gineŋ hatak wondoktiŋa welenedi habukahile hinek tilat. Tiŋa nu kubugonŋdi hogok mu tilat, mokoŋ. Adi metam mede biyagonŋ nadiŋa nadidahi tiŋa heki adi maŋ welehiŋdi habukahile hinek tiŋa. ²Mede biyagonŋdi indi'walaŋ welenik gineŋ hatak, wondi haliwoonŋ halaak, wendoktiŋa hekinolit foloonŋ hinek hatiyam. ³Indi mede biyagonŋnit eŋ me hekinolit hatihati foloonŋ hinek hatinene Baŋ Bepaŋ tiŋa Jesu Kilisto Me Baŋ'walaŋ Mihiniŋ adi'walaŋ silonŋ tobogonŋ, welekulema eŋ kulemaŋiŋ wendi indi'walaŋkade haliwoonŋ halaak.

Me Hekinolit momoonŋ tiŋa hatidok mede

⁴Wapmihigeye noli adi Me Baŋdi yodoko medeniŋ niniŋguk u tagimneeŋ mede biyagonŋ u kedem beŋa hatiŋiŋ, mebihik unduŋ nadiŋa nadifo hinek tilat. ⁵Ale tam loloŋnit, du yodoko mede niŋ ganimbe nadiweŋ. Mede u kobuli moŋ. Koomkwaha tububihit gineŋ tububihila naditalabam uŋakoŋ indinŋ ganimbit. Metam nadisukilitihiniŋ indi hekinolit momoonŋ tiŋa hatiyaneem. ⁶Bepaŋ'walaŋ yodoko mede

^a **1:1** Nadinadi me nolidi tam wondok adi indinŋ nadiiŋ, kayonbop adi'walaŋ yolineŋ bopneyagiŋ. Kaŋ nadinadime nolidi indinŋ nadiiŋ. Jon adi kayonbopdok nadiŋa "tam" youkuk.

tagimneeŋ kelekele wondi me hekinolit hatihati uŋakoŋ tilak. Ale Bepaŋ'walaŋ yodoko mede koom tububihila nadigiŋdi naditalabiŋ u indiŋ uŋakoŋ. Hidi hatihatihik gineŋ me hekinolit momooŋ tiŋa hatiyaneŋ.

Mede yotubugiyonda me hekidok mede

⁷I nadineŋ, tikamanda me feedi mintaaŋ kwetkwet hatidapmaiŋ. Adi Jesu Kilisto kwetfoloŋ sigiŋ gitnemnit mintaguk u nadiune folooŋ mu tilak. Me undiniŋ uŋakoŋ yalaŋ-me eŋ Kilisto'walaŋ memikniŋ unduŋ niniŋdok.

⁸Hidi'walaŋkade kwanai tinene folooŋ mintaguk u tiyaugene fihambaakneŋ doktiŋa momooŋgoŋ hinek kadokoŋ hatiyaneŋ. Ala hatigene kougoŋ tuwaŋiŋ wendok tuwolit hinek beneŋ. ⁹Nebek niŋ Kilisto'walaŋ medeŋiŋ mu tihifafaŋeeŋ mede noli foloŋ wooŋ galiwaak, adi yadi Bepaŋ tuwot mu kahilewaak. Eŋ me nediyeŋ Kilisto'walaŋ medeŋiŋ tihifafaŋewaak adi yadi Baŋ gut Mihi wanakaŋ yabukahilewaak. ¹⁰Eŋ me niŋdi mede gitipmuŋgoŋ niŋ tiŋa hidi'walaŋkade buune kaŋ niutumba tiŋa nagila yohineŋ adi mu kameyaneŋ. ¹¹Nebek niŋdi me undiniŋ niutumba tibaak, adi yadi me wendi'walaŋ kwanaiŋiŋ hogoli u tubulodawaak.

Yodapmaŋ mede

¹²Mede mohok noli maŋ hakiŋiŋ, iŋgoŋ pepa foloŋ youhamdok mu nadilat. Nu adi tobo buŋa habuŋa manikdi kiyonadi titiŋdok nadilat. Unduŋ tiŋa nadifo kedem tineem. ¹³Dalage Bepaŋdi agaŋ kahileguk adi'walaŋ wapmihiŋiyedi youtumba mede kamegamiŋiŋ.